



FUNDASAUN MAHEIN NIA KONSTITUISAUN

PREÁMBLU

Fundasaun Mahein (FM) hari'i iha loron 29 Junu 2009 hodi prienxe fatin le'et iha postu-sira kona-ba Timór-oan nia sosiedade sivil hodi fornese monitorizasaun loron-loron no halo relatóriu kona-ba asuntu-sira relasiona ho dezvoltimentu seguransa Timór- Leste nian iha maneira ida ne'ebé bele aumenta partisipasaun sidadaun iha prosesu Dezenvolvimento nasional.

Ida ne'e mak misaun husi FM hodi hametin no dezvoltolve setór seguransa, atu nune'e bele asegura seguransa seguru no prosperiedade ba sidadaun Timór-oan hotu-hotu. Ida tan mak Fundasaun Mahein nia objetivu atu aumenta partisipasaun kona-ba media, ONG sira-seluk, no sosiedade sivil tomak hodi justifika partisipasaun iha asuntu-sira kona-ba politika públiku relasiona ho setór seguransa, imparsiál no iha maneira pozitivu.

1. PRINSÍPIU JERÁL-SIRA

- 1.1. Fundasaun Mahein (FM) nu'udar Organizasaun Naun-Govermental (ONG) ida ne'ebé la'ós ho lukru.
- 1.2. FM harii ho legál hanesan "Fundasaun" ida no ONG tuir lei-sira ne'ebé aplikabel iha Timor-Leste.
- 1.3. Nu'udar organizasaun ida FM ne'e la'ós partidáriu nomós politiku ruma.
- 1.4. Enkuantu mantein ninia independénsia, FM sei parseiru ho ONG sira-seluk iha area-sira hanesan direitos humanus, ema vulneravel-sira no asuntu-sira iha Timor-Leste, ne'ebé asuntu hirak ne'e relasaun ho seguransa ba sidadaun-nian nomós asuntu seguransa nasional no defeza nian. FM mos sei servisu hamutuk ho instituisaun sira ne'ebé iha



mandatu husi konstituisaun Timor-Leste ne'ebé fornese ba asuntu seguransa.

2. NARAN, MARKA NO FATIN

2.1. ONG ida ne'e ho naran formal iha dalen sira mak tuir mai ne'e:

- Tetun: Fundasaun Mahein (FM)
- Indonezia: Yayasan Mahein
- Inglêsh: The Guardian Foundation.

2.2. FM ne'e representa mós ho nia logo ka símbolu:



2.3. FM lokaliza iha Dili, Timor-Leste.

3. FM NIA OBJETIVU NO ATIVIDADE-SIRA

3.1. FM nia vizaun afirmasaun mak tuir mai ne'e:

“Katak sidadaun Timór-oan ida-idak senti iha soberania no seguransa bazeia ba deklarasaun universál kona-ba direitus humanus no konstituisaun RDTL nian”.

3.2. FM nia misaun halo afirmasaun mak tuir mai ne'e:

“Atu tulun aumenta lejítimu no kapasidade kona-ba setór seguransa Timor-nian liu-husi partisipasaun sidadaun iha dezenvolvimentu kona-ba lejizlasaun ne'ebé relevante, politika nomós prosedimentu-sira”.

3.3. FM nia valor afirmasaun mak tuir mai ne'e:

4. FM NIA OBJETIVU-SIRA

4.1. FM nia objetivu-sira mak tuir mai ne'e:



- a) Atu kria no haboot fatin ba debate, diskusaun no partisipasaun publiku iha asuntu-sira relasaun ho supervizaun no jestaun kona-ba setór seguransa sivil;
- b) Atu fornese fatin públiku ida kona-ba informasaun no analiza kona-ba setór seguransa; no,
- c) Atu tulun hametin kapasidade institutisaun nian kona-ba setór seguransa hodi prepara ba seguransa no nesesidade seguransa kona-ba sidadaun Timór-oan nian.
- d) Fundasaun Mahein sei dezenvolve relasaun parseria ho xave importante balun direita no indereita liga ho partisipasaun sidadaun iha dezenvolvimentu ba setór seguransa Timor-Leste nian.

5. FUNDADÓR-SIRA

- 5.1. FM nia fundadór sira mak sidadaun Timór-oan ida, Nelson Belo nomós la'ós ema Timór-oan ida mak, Edward Rees.
- 5.2. Fundadór Timór-oan ne'e tenki sai Diretór FM nian ba tempu ida ne'ebé seidauk hotu. Fundadór Timór-oan ne'e mos hala'o pozisaun ida ne'ebé kontinua nu'udar membru konsellu ida ne'ebé la-eleitu to'o nia:
 - a) Tempu ne'ebe ladetermina
 - b) Husik servisu (iha seksaun 8);
 - c) Karik hasai hosi kargu (iha seksaun 9).
- 5.3. Fundadór ne'ebé la'ós ema Timór-oan sei la sai konselleiru ezekutivu primeiru ba FM ba tempu ne'ebé ladetermina.
- 5.4. Responsabilidade husi ema ne'ebé la'ós konselleiru ezekutivu nian tenki limita hodi fó konsellu ba Diretor iha area-sira relasaun ho governasaun, estratejia, administarsaun no planu FM nian.
- 5.5. Ema ne'ebé la'ós konselleiru ezekutivu ne'e la kaer enkuantu sai ezekutivu ida ka papel editoriál ho FM

6. KONSELLU DIRETÓRIA NIAN

- 6.1. FM nia konsellu ba diretória (Konsellu) tenki ema ne'ebé independente no bele hetan fiar.
- 6.2. Asosiasaun kona-ba konsellu ne'e tenki nafatin, lamenus husi ema nain tolu (3) no la liu ema nain sia (9).

- 6.3. Konsellu ne'e tenki kompostu husi numeru kliik ida husi membru-sira ne'e.
- 6.4. Membru konsellu-sira bele mós sidadaun Timór-oan no la'ós Timór-oan, maibe numeru husi membru konsellu ne'ebé la'ós ema Timór-oan bele la sai maioria.
- 6.5. Pozisaun konsellu hotu-hotu voluntariu no la selu-kolen, maski razoavel selu-fali ba konsellu relasionadu folin ne'ebé bele konsidera.

7. ENKONTRU HO MEMBRU KONSELLU-SIRA

7.1. Membru Konsellu diretória sira tenki iha badaen no esperensia iha:

- a) Asuntu politika públiku iha Timor-Leste hanesan sira iha relasaun ho FM nia afirmasaun kona-ba misaun; ka
- b) Ekonomia, Negósiu, Finanseiru no konta; ka
- c) Lei; ka
- d) Jestaun ONG; ka
- e) Badaen sira seluk no/ka esperensia sira ne'ebé haree iha relevante ho FM husi konsellu.

7.2. Membru konsellu-sira labele halo konviksaun ida kona-ba ofensa kriminozu.

7.3. Ba membru konsellu foun-sira hodi nomeia:

- a) Proposta ida hodi haruka kandidatu karta oferese ida ne'ebé tenki aprova ho ofisiál hosi konsellu;
- b) Diretór tenki haruka karta ofisiál ida ne'ebé hato'o ba kandidatu ne'e;
- c) Kandidatu ne'e tenki prepara karta konfirmasaun ba konsellu ne'ebé aseita pozisaun ne'e.
- d) Mosaun ofisiál ida kona-ba nomeasaun ne'e tenki aprova hosi konsellu.

7.4. Membru konsellu foun-sira tenki kompleta sesaun orientasaun organizasaun nian ida ho diretór oras ida depois sira hetan nomeiasaun.

7.5. Karik iha tempu ruma konsellu ne'e propoin membru menus husi ema nain tolu (3), depois fundadór Timór-oan bele ho pesóal nomeia membru-sira hodi foti asosiasaun husi konsellu sa'e ba membru nain tolu (3).

7.6. Termus kona-ba membru konsellu-sira mak tinan 3 no membru konsellu-sira bele nomei fila-fali.



8. REZIGNASAUN HUSI MEMBRU KONSELLU-SIRA

8.1. Membru konsellu-sira rezigna-an hadi hato'o karta ida kona-ba rezignasaun ba xefe. Xefe ne'e bele rezigna-an hodi hato'o karta rezignasaun ida ba direktór, hodi marka prezensa iha enkontru tuir mai konsellu nian.

9. DEMISAUN BA MEMBRU KONSELLU-SIRA

9.1. Membru konsellu-sira bele hetan demisaun tuir razaun hirak tuir mai ne'e:

- a) Sai konviksaun hosi ofensa krimonozu ida; ka
- b) Komportamentu ne'ebé la iha etik; ka
- c) Komportamentu ne'ebé faila atu mantein FM nia valor; ka
- d) Komportamentu ne'ebé estraga pozisaun no reputasaun FM nian; ka
- e) Failha hodi atende konsellu enkontru bad alas 3 (tolu) ne'ebe tuituir-malu laho razaun ne'ebé bele-fiar ba xefe.

9.2. Konsellu ne'e tenki fó aprova ofisál ba demisaun hosi membru ida ho razaun ne'ebé dezeńã ona iha seksaun 9.1. Membru konsellu ida labele vota iha mosaun ida ba sira-nia demisaun rasik. Tenki iha dezeńã ida iha vota ne'e, xefe ne'e mos tenki iha desizaun ba vota ne'e.

10. DEVÉR NO RESPONSABILIDADE SIRA HUSI KONSELLU DIRETÓRIA NIAN

10.1. Konsellu ne'e tenki:

- a) Hasoru-malu pelumenus kada fulan neen (6) (ho preferénsia trimesteral) iha fatin no tempu ne'ebé konvinénsia;
- b) Vota atu eleitu xefe ida no sekretáriu (tinan-tinan) konsellu nian;
- c) Vota ba nomeasaun no demisaun membru konsellu-sira nian.

10.2. Responsabilidade jerál konsellu nian mak atu:

- a) Determina FM nia dresaun organizasaun no monitoriza tuir planu organizasaun nian iha estratejia, inklui misaun, vizaun, valor no objetivu-sira;
- b) Prepara supervizaun finanseiru ba FM;
- c) Monitoriza efetividade kona-ba FM nia atividade sira;



- d) Garante katak FM apoia nesesidade legál hotu-hotu;
- e) Garante katak FM apoia regra etika ne'ebé aas;
- f) Prepara konsellu no asisténsia ba diretór;
- g) Rekruta diretór no tau termus nomós kondisaun sira hosi pozisaun ne'e;
- h) Monitoriza diretór iha ezersisiu hosi sira-nia devér;
- i) Ambassador ba, no halo advokasia ba FM.

10.3.Konsellu ne'e tenki espisifikamente fó aprova:

- a) Muda ba FM nia konstituisaun;
- b) Planu estratejiku;
- c) Orsamentu anual;
- d) Relatoriu finanseiru anual;
- e) Proposta ba atividade lolos servisu foun nian ka submisaun loloos kona-ba fundus;
- f) Kanselamentu ba xave atividade servisu-sira;
- g) Gastu boot ne'ebé laantisipa;
- h) Relatoriu annual;
- i) Minuta-sira hosi enkontru konsellu.

10.4.Desizaun hotu-hotu hosi konsellu sei deklara lejítima bazeia ba vota maioria hosi sira ne'ebé marka prezensa iha enkontru ne'e.

10.5.Iha exesionál sirkunstánsia, hanesan wainhira asuntu ida konsidera urjenti ba operasaun kontinuasaun hosi FM, karik membru konsellu labele ho ofisiál hasoru-malu nune'e konsellu bele halo revizaun, konsidera no fó aprova asuntu-hirak ne'e liu hosi e-mail.

11.DEVÉR NO RESPONSABILIDADE SIRA HOSI SEKRETARIU NO XEFE

11.1.Xefe Tenki:

- a) Aprova programa ba enkontru konsellu nian hodi konsulta ho diretór (sekretariu);
- b) Halais enkontru konsellu nian no fó atensaun ba vota;
- c) Garante katak konsellu ne'e la'o tuir FM nia konstituisaun;
- d) Karik desizaun ba vota iha eventu ne'e empata rezultadu.

11.2.Sekretariu tenki grava minute-sira hosi enkontru konsellu no garante katak sira distribui ona ba membru konsellu-sira. Sekretariu bele husu ajuda ba hanesan staf hosi diretór (sekretariu) hodi rekorda no finaliza hela minutu-hirak ne'e.



12. DIRETÓR EZEKUTIVU

12.1. Diretór tenki:

- a) Sai sidaun ida Timor-Leste nian; no
- b) Laiha arkiva kona-ba kriminozu; no
- c) Laiha afiliasaun politika ruma ka sai membru atual ba partidu politiku ruma ka membru parlamentu.

12.2. Diretór labele sai membru ida hosi konsellu ne'e, ka bele hili iha enkontru konsellu nian, esklui diretór loloos ka fundadór husi FM. Exesaun ida ne'e bazeia ba estatutu hosi diretór primeru hanesan mós fundadór FM nian no difikuldade hodi hetan membru konsellu ne'ebé kualifikadu ba tempu naruk iha Timor-Leste iha tempu ida ne'e.

12.3. Diretór primeru no fundadór hosi FM nia termus ba servisu hanesan diretór ne'e sei la'o to'o nia rezigna-an ka hetan demisaun. Karik nia rezigna-an hanesan diretór nia bele kontinua hanesan membru ida husi konsellu ne'e.

13. DEVÉR NO RESPONSABILIDADE DIRETÓR NIAN

13.1. Diretór nia servisu jerál mak atu:

- a) Lidera no maneja aspetu hotu-hotu kona-ba atividade FM nian atu realiza FM nia objetivu-sira kona-ba estratejiku, vizaun no misaun;
- b) Nu'udar FM nia reprezentate primeiru hodi halo servisu ho governu, organizaun setór seguransa, doadores, media no parseiru sosiedade sivil sira;
- c) Halo rekrutamentu nesesariu no halo terminasaun ba staff;
- d) Maneja staf inklui delega autoridade iha estrutura organizaun ida ne'ebé harii ona;
- e) Kontrola FM nia fundus (tama no gastu) no sasan-tomak nomós supervizona relatoriu kona-ba finanseiru;
- f) Dezenvolve operasaun politika no prosedimentu-sira ba FM, konsistenti ho pratika diak no nesesidade lezislativu;
- g) Halo relatoriu kona-ba FM nia atividade-sira.

13.2. Diretór-nia devér sira ba konsellu inklui:

- a) Atende enkontru konsellu hotu-hotu;
- b) Apresenta sumariu ida kona-ba FM nia operasaun hosi periodu ba konsellu inklui: sumariu finanseiru no fundus; atividade-sira; susesu-sira; neon-sala; oportunidade no ameasa sira;

- c) Informa ba konsellu kona-ba progresu iha implementasaun FM nia planu estratejiku no xave ba objetivu-sira;
- d) Informa ba konsellu kona-ba troka pontu ruma ba politika operasaun FM nian;
- e) Notifika no fornese dokumentus nesesariu ruma ba konsellu relasiona ho asuntu-sira kona-ba sira nia aprovasaun iha seksaun 10.3 nia okos hosi konstituisaun FM nian;
- f) Implementa desizaun-sira konsellu nian.

13.3. Diretór tenki mantein membru konsellu sira hodi informa kona-ba FM nia atividade-sira iha baze ida ne'ebé la'o dadauk liu-husi atualiza/update no notifikasaun ba membru-sira 'lapresta hosi sesaun'.

13.4. Diretór tenki reprezenta hanesan sekretariu konsellu nian, inklui prepara programa ba enkontru konsellu sira (fó aprovasaun hosi xefe), halo planu ba lojistika kona-ba enkontru konsellu, no prepara ajuda administrativu ba xefe no sekretariu wainhira prezisa.

13.5. Vice diretór bele atende enkontru ida konsellu nian hodi reprezenta diretór, karik diretór labele atu atende ba razaun lejítimu.

14. DEMISAUN BA DIRETÓR

14.1. Razaun validu sira ba demisaun diretór nian mak:

- a) Failha atu mantein neutralidade politiku FM nian;
- b) Konviksaun hosi ofensa kriminozu ida;
- c) Hahalok seriu ne'ebe la ho etiku;
- d) komportamentu ne'ebé ho signifika estraga reputasaun no pozisaun FM nian;
- e) Viola termus kona-ba nia kontratu servisu rasik;
- f) Komprimentu servisu ne'ebé aat ka neglejánsia hodi ezejuta ninia devér.

14.2. Diretór bele hetan demisaun depois:

- g) Konsellu diretória-sira emprega ona ba qualifikadu, apropriadu no ekipa independente hodi avalia komprimisiu diretór nian; no
- h) Katak ekipa submete ona relatoriu (hakerek) ida ba parte rua; konsellu nomós diretór.

14.3. Diretór iha direitu hodi responde ba konsellu iha semana rua (2) nialaran kona-ba relatoriu ne'ebé submete ona iha leten.

14.4. Depois konsidera relatoriu ne'e (seksaun 14.2) no resposta (seksaun 14.3) konsellu tenki ho ofisiál aseita diretór nia demisaun iha enkontru konsellu.



15. SASAN-TOMAK NO PROPRIEDADE

15.1.FM bele hola no iha rai, edifisiu, veiklu, material sira rasik nomós kapital seluk ka seguru kona-ba realizasaun hosi objetivu-sira relacionadu ba FM nia misaun no iha autoridade ne'ebé dezeña ona iha FM nia konstituisaun.

16. AMANDAMENTU-SIRA BA KONSTITUISAUN

16.1.FM nia konstituisaun bele hadi'a ho desizaun maioria hosi konsellu diretória, ka wainhira laiha konsellu atual, fundadór.

Konstituisaun ida ne'e vigór to'o iha 01 Setmberu 2009

